

CÒPIA



COMUNE DE PUTUMAJORE
PROVÌNTZIA DE TÀTARI

ORDINÀNTZIA DE SU SÌNDIGU

N. 5/10 DE SU 23-03-2020

OGETU: Ordinàntzia de aplicatzione de cuarentena cun sorvelliàntzia ativa.

SU SÌNDIGU

Bidu s'art. 32 de sa lege 23 de nadale de su 1978, n. 833, chi giughet “Istituzione de su Servitziu Sanitariu Natzionale”;

Bidu s'art. 117 de su Decretu Legislativu 31 de martzu de su 1998, n. 112, in matèria de cunferimentu de funtziones e còmputos amministrativos de s'Istadu a sas regiones e a sos entes locales;

Bida s'Ordinàntzia de su Ministèriu de sa Salute in data 21/02/2020 publicada in sa “Gazzetta Ufficiale” cun su n. 44 de su 22/02/2020 chi previdit s'òbligu de sas Autoridades cumpetentes de aplicare sa misura de sa cuarentena cun sorvelliàntzia ativa, pro batordighi dies, a sos chi ant àpidu cuntatos istrintos cun casos cunfirmados de maladia infetiva difusa de COVID-19;

Consideradu chi in sa matessi Ordinàntzia est prevididu chi s'Autoridade sanitària cumpetente in su territòriu at a providire a s'adotzione de sa misura de permanèntziaa domitziliare fidutzària cun sorvelliàntzia ativa o, si b'at cunditziones chi l'impedint, de àteras mesuras de eficàtzia ecuivalente;

Bidu su Decretu Lege 23.02.2020 n. 6, chi giughet “mesuras urgentes in matèria de cuntinimentu e gestione de s'emergèntzia de s'epidèmia dae COVID-19”;

Leadu atu chi in su territòriu de custu Comune, gasi comente comunicadu dae sas Autoridades Sanitàrias cumpetentes, sa Seg.ra “omissis”, nàschida in “omissis” su “omissis”, residente in “omissis” carrera “omissis”, est resurtada positiva a su *test* de su Coronavirus;

Ritènnidu netzessàriu e urgente, in relata a cantu naradu in subra, adotare un'ordinàntzia Sindacale apòsita chi previdat s'adotzione de sa misura de sa permanèntzia domitziliare fidutzària cun sorvelliàntzia ativa, o si b'at cunditziones chi l'impedint, de àteras mesuras de eficàtzia ecuivalente, in sos cunfrontos de totus sos chi ant àpidu cuntatos istrintos cun sos sugetos resurtados positivos a su *test* de su Coronavirus;

Bidu s'art. 50 de su D.Lgs. n. 267 de su 18 de austu de su 2000;

Bidu s'Istatutu Comunale;

Averiguada sa cumpetèntzia pròpia in mèritu a s'adotzione de custu provedimentu, bidu chi si tratat de atu pro sa tutela de sa salute pùblica;

ÒRDINAT

Cun efetu immediatu dae sa notifica de custa ordinàntzia, a custos suetos:

- “omissis”.
- “omissis”.
- “omissis”.
- “omissis”.

Sas matessi pessones divent sighire a manera puntuale sas dispositziones in tema de profilassi apostivigadas dae sas Autoridades Sanitàrias in relata a s'emergèntzia in atu pro su coronavirus (COVID-19) e puru onni disposizione e racumandatzione de su Ministèriu de sa Salute e dae sos àteros Órganos istituzionales prepostos, in custu casu de isulamentu domitziliare fidutziàriu;

ÒRDINAT

Chi custa ordinàntzia siat fata connòschere a totu sos suetos mentovados in antis sutapostos a mesuras istraordinàrias de cuarentena, pruvedende a s'adotzione de sa misura de sa permanèntzia domitziliare fidutziària cun surveilliàntzia ativa, o, si b'at cunditziones chi l'impedint, de àteras mesuras de eficàtzia ecuivalente;

ÒRDINAT, in finis

Sa proibitzione de intrare in s'abitazione chi est in carriera “omissis” a suetos no autorizados;

PREVIDIT

Sa notifica de custa ordinàntzia:

1. A sa Prefetura U.T.G. de Tàtari;
2. A sa R.A.S. Assessoradu Igiene e Sanidade;
3. A s'A.T.S. Sardigna;
4. A su Cumandu Istatzione Carabineris de Putumajore;
5. A su Cumandu de Politzia Locale de su Comune de Putumajore;

Su provedimentu at a èssere trasmitidu a su Ministru de sa Salute intro de bintibator oras dae s'adotzione, cunforma a su decretu-lege de su 23 de freàrgiu de su 2020, n. 6.

AVISAT

Responsàbile de su protzedimentu, cunforma e pro sos efetos de sos artìculos 7 e a sighire de sa Lege 7 de austu de su 1990, n. 241 e m. e i.i, est su Comandante de sa Politzia Locale Ten. Giandomenico Serra, chi at a pruvire a s'adotzione de totu sos atos imbenientes e chi cunsighint.

Ricursu dàbile contra a custu provedimentu podet èssere propositu a su Tribunale Amministrativu Regionale de sa Regione Sardigna intro de su tèrmine de sessanta dies dae sa notificatzione sua, cunforma a s'artìculu 40 de su Còdighe de su protzessu amministrativu aprovalu cun Decretu Legislativo 2 de triulas de su 2010, n. 104, o puru, in alternativa, ricursu istraordinàriu a su Presidente de sa Repùblica in su tèrmine de chentubinti dies dae sa matessi data, cunforma a s'artìculu 9 de su D.P.R. 24 de santandria de su 1971, n. 1199.

Dae sa domo comunale, 23-03-2020

Su Sìndigu

F.du Seg. Mariano Soro

Su sutascritu responsàbile de su servitziu de sas publicatziones chi ant efetu de publitzidade legale, bidos sos atos de ufitziu;

A T E S T A T

Chi custu atu est istadu publicadu, dae su 23-03-2020 a su 07-04-2020 in su giassuo web istitutzionale de custu Comune tzessibile a su pùblicu (*art. 32, comma 1, de sa lege 18 de lampada de su 2009, n. 69*).

Putumajore, 23-03-2020

Su Sìndigu

F.du Seg. Mariano Soro

Est còpia cunforme a s'originale pro impreu amministrativu.

Putumajore, 23-03-2020

Su Sìndigu
Seg. Mariano Soro